

SIAYĖKEMACA SIABAI KĖOJĖNA KAYAYE KUI'NE JĖNA, PAIYE KAWESOSE'EPI SIAYE TUTU PAYE JAI TSUTSUPĖA
OMETĖKANA

NUŅEREPA SIA'WE'ŅA CAHUESOSE'E MAI PAI KĖKOPAYE

Kaya jĖŅa kou KĖna ometĖkawĖ sia'we'Ņa sewojĖ kui'ne canĖowĖ si'aye pai paija'Ņe tutukĖ'ye, ĭti kĖaye kato pai'ji iye űese saieoni. Icona tsoe
paikona űajĖ, jaipai tsi'sisito kakua'i seűĖ ĭti toyapĖpĖ kĖawesojĖ'Ė sia'we'Ņa, jamaka űasiko paija'kore siapai, kui'ne kĖajĖ paija'cua'ire toyaja'o
ye'yewe'űaje, yeke pa'yea'Ė kajĖ űaűeje peoye ĭ wa'i kuasajĖ nese'e yekĖ yeja pai.

Ja'a wĖoko

Kase'epi de'oye, kĖne kui'ne jeoűe payĖ jaje, sia'we'Ņa űase'erepare sa'nawĖ payĖ sia'yĖ'kĖ maka tutu, kui'ne sioma'űerepare sia'pai tsĖkapĖ
pai'ye.

Jaje paikĖta'a kuasayĖ űama'ayepi kui'ne oima'ayepi, pa'iji sia'paire, japi ai jaiye űese saniwesĖji pai pa'ijĖ kuasaye, kui'ne aijerepa kawesose'pi,
jaje pa'ina kokase'e kayĖ de'oye pa'ie kui'ne de'oye pa'iyĖ kuasajĖ sewoye.

Jaje paise're yure kato űasikua'irepa kui'ne kĖkopakua'i pa'ie pa'iji, kua'ye pa'ise'e jeoni paimakata'a pa'ie pa'iji nejo ma'kua'i.

Jamakata'a űese de'oyerepa űese saiyĖ siwajĖ kui'ne pa'iyĖ yekĖwe'űa űasikua'irepa.

YekĖwe'na yejaűa kato de'oyerepa kuasani kuinaoni kanĖowesĖwĖ. Toya ja'wana pai tutukĖiwa'i paija'ne, de'oyerepa kui'ne iwa'irepa'Ė kajĖ,
si'ayĖkĖmaka ĖmĖowa'i kui'ne nomiowa'ie koni, tsoe jaje pa'ina jeowesowĖ ai jai kore, de'oye pa'iyerepare kasikua.

Iye kuasaye cato sewosikua kadĖowesĖja'core, oiyerepapi si'aye kuasajĖ, tsi'sisikua'ija're kawesĖ ja'űe, si'aye oiye kui'ne tutukĖ'yerepa pa'ija'űe
jamakata'a kuade'oye pa'ie pa'iji pal.

Iye kato kuasase'ea'Ė si'aye tutupa'ie, jaje pa'ina iye kato ai de'oyerepa'Ė ĭti űese saija'űere kuasajĖ sewowesĖse'ea'Ė.

Tsi'sini jai pai koka kako

JĖaye kawesoyĖ yure

Si'aye pai tutu pa'ie kĖawesosikua, ikore kato si'a daripĖa kui'ne jaiwe'űaje nesaoye pa'iji, te'owa'imaűaje kui'ne kua'me kokaiwe'űamaűaje,
űese saye pa'iji de'oye kajĖ, jamakata'a si'adaripĖa pa'ie pa'iji de'oye kui'ne yeja pa'ie cĖni kĖkojĖ.

Te'o ako kĖaye.

Si'apai aide'oyĖ kua'ye peoye kui'ne siayĖ'kĖ maka pa'ie kui'ne tutupaye koni, jaje kuasase'sĖtepi kuaju'i'ne peoye űese saiye pa'iji kĖkaijĖ yekĖ
paireje.

Kayaye ako kēaye

Si'a pai payē tutu kui'ne kua'ye peoye yure ikore ai jēaye kawesosido'ire, jaje pa'ina nāne peoji yekē paiña'ē kajē, iyeje pa'yere, paj, koka, iowa'i pa'iye, kuasaye, pani iyese'e kayepañē kuasia'ye pa'ye, kuri pa'ye, aideo'ye kui'ne kuasi'aye pa'iye.

Kui'ne yekeje pajakua'ia'ē kaye yeke iwa'i kuasayepi iyea'ē kajē aijaidaripēa sia'we'ñaje panije yeja paiñeje iti paipi kuasajē neñe pa'iji, jai daripēa kaye kato te'owaise're kañeje pa'yea'ē, iwa'ise'e kuasayepi nejē.

Toasoñe ako kēaye.

Teo'wa'ije payē de'oye tutu pa'iye, kua'ye peoyeje koni, kui'ne kēcojē paj pa'iye.

Kajese'e ako kēaye.

Si'awa'i pa'iye peoji kua'ye jēaye pa'ye kajē, kui'ne kua'ye yo'okuañuñeje peoji, iye kato ēsese'ea'ē sia'ye pa'ye.

Te'jētē ako kēaye.

Jare si'apai kua'ye yo'okuañoñe tipeoji, tē'caye, tseañe, wanijeañe panije ai kuaye pa'ye.

Te'e jētē Ējatupē kēako.

Si'apai payē tutu, sia'we'ña kui'ne ñakuañuñeje pa'iji pai karepase'e pa'iye.

Ējatupē kēnope.

Si'apai pa'iyē sia'yē'kēmaca kui'ne payē yekua'ia'ē kaye peoye, jaje pa'ina Si'awa'i payē tutu karepaye akēpaj kē'ro. Jaje pa'ina maj tutu payepi de'oye pa'iyepa'iji, tsoe ikore kawesosidoipi kokaiji kua'ye kaye peoye pa'ija'ñe.

Kayaye te'ejētē ako kēaye.

Si'a pai tutu payē de'oye pa'iyere kuasajē yekēwe'ña sañupe kajē, maj kase'pi kokaijakē kua'ye yo'oma'kuai'ni kajē mai tutu kē'ye paiye, jeje paina maire toyapēpēpi kakorepa pa'ijakē.

Te'e jēña Ējatupē peoye kēako.

Jare peoji mal tsea kuañuñe.

Kaya jēña ako kēako.

Si'a pai payē deoye paiye, si'ayē'kēmaka paiye, jamakata'a sia'we'ña asasaoye pa'iji kui'ne oirepayepi kua'ye paise'eje carojaiye pa'iji kui'ne kuañeñe paiji neñañe paiji kuasia'ye pa'ye iti kase'e sa'ñe pa'iye.

Kayajēña te'o ako kēako

Si'a pai kua'ye yo'o sikua'i payē tutu iwa'i yo'ose'e jayuta'a iti ñati'añe pa'iji do'ikē'ye, _iti kase'je paiye, kui'ne kaye paiji sia'we'ña jamaka kase'repa pa'iji tutu pa'ye.

Si'a pal peoji kua'ye paye painije siokuañuñe ja yuta'a ñati'ama'maka kato, jaje pa'iji tutu pa'ye yekē daripēa paiyeje. Jaje paina peoji maipi caye de'oye nede'waē'ēje pa'yere aijerepa kua'yena saiye peoye.

Kaya jēñà kayaye ako kēaye.

Mai teowa'i paiye kato peoji kaye kua'mañā'ē kajē ñese kaye, mai tsēkapēreje, mai paiwe'ñaje panije ise'e pa'ito peoji kua'aye neñeje peoji _ipi kuasakē pa'ie. Jaje pa'ina si'a paj payē de'oye pa'ie, jaje paina nejo jeoñe paiji kua'ye paise'e.

Kaya jēna kayaye te'o kako kēaye.

Si 'a paj payē deoye daoye sia'we'ña kui'neje yeja pēañeje koni.

Si 'a pai payē tutu kuasi'adaripēa, ipaidaripē, jaje saisikēre ta'a ko'ie pa'iji i maj daripēna.

Kaya jēña Ējatupē peoko ako kēaye.

Kue'kua'i pa'ito, sia'pai payē tutu kē'ye payē katiye paiji kuasia'yejaña, jamaka siwajē pa'ie pa'ji _iti ku'ase'e.

Iye pa'ye kato peoji sa'ñe kua'ye neñe, kua'ye payena, panije sa'ñe kayeje peoji yekē jaiwe'ña pai yejaña'ē kajē.

Kaya jēña yekē jētē ako kēaye.

Si 'a paije tutu payē pai paiyerepa

Jare peoji ēseye i pa'iwe'ña yeja akēre, yekeje tipeoji kaye yēkē pa'ineje pajjē'ē kajē.

Kaya jēña yekē jētē te'o ako kēaye.

Ēmēowa'i kui'ne nomiowa'i, jayuta'a ēañawēomakapi tsoe payē tutu, kaye peoji kaje paiña'ē, iti pai'ē kajē wejaye, jamaka wejani siwajē pa'ie pa'iji kuineje pa'iji jeokoni de'oye pa'ie itibi jaje pa'ito.

Iwa'ise'e kuasajē kui'ne ējēpaija'kēpi kuasani wejaye pa'iji.

Paitsēkapē Kato de'oye paiyere'pa'ē jaje paina ñacairepayē sia'we'ña akē pa'ije.

Kaya jēña yekē jētēkayaye ako kēaye.

Si'a pai payē tutu pa'ie yeja, te'iwa'i kui'ne si'apai de'otsēcapēa.

Jare peoji yē'ē tsekua yeja kajē ēseye.

Kaya jěña yekě jětěkayaye te'o ako kěaye

Si'apai payě iwa'ise'e kuasaye, iwa'i paiye, iye Kato pa'iji si'aye nedewaye iti sewoye, kui'ne koka kaye kuasia'ye sia'we'ña paiwe'ñana, panije te'owa'ise'e pa'iwe'ñaje koni, iti ye'yayepi, neñañepi, sewoyepi kui'ne ñasaoyepi, iyepi pa'iji maire de'oye saye.

Kaya jěña yekě nēkayo beoko ako kěaye.

Te'owa'ije de'oye payě iwa'ise'e kuasaye kui'ne koka kayeje, iyepi tsi'siji kua'ye pa'ije, josa kakuañujě paima'ñe kui'ne japi kawesorepaye pa'iji, yekeje kaye peoji ikoja'a pa'iji kaye, iyese'e kaye paji, kuasi'aye de'oye saija'ñere.

Jěña-někañua

Si'awa'i te'owaise'e tsi'sini koka kaye payě kuasia'hue'ña.

Jare peoji kuañeñe yekě tsėkapěna tsioni paiye.

Jěna-někañua - te'o

Si'a pai payě tsiojaiye mai akěrepa kě'ro, ikě'rorepana te'repapi panije yekě paija're koni iti ñakěja're.

Si'a pai tutupayě si'ayėkēmaka paiye kua'me nedojaye mai paiwe'ña yeja.

Itidaripěa paikua'i kato payě sia'we'ña akua'i kayere, iye kato kokaiji kaji mai ějaėwa'irepare mēojě saiyere, iti mēoñe kato neñě yawese're, japi kokaiji de'oye karepayepi mēose'e.

Jěña-někañua kayaye

Si'a pai, ititsėkapěje paiwa'i payě kaděose'repare kuasi'aye kui'ne jaje pa'ina si'a akěpai kokaiye paiji, ja tutu do'ire kuasajě, jaje pa'ina tsoe kuasase'pi kuri pa'ie, kuasi'aye kui'ne maipaiye, iye kato mai kuasayepi nesaojě paiye paiji sia'yėkě maca pa'yepi .

Jěña-někañua toasoñe

Si'a pai payě kua'me nedojaiye kuasia'we'ña, iwa'i yėyepi tia'ñe paiji kua'meneñe, jaje paikėreta'a si'ayě'kēmaka paipi, jaje paina kua'ju'ñe peoye kua'me newe'ña tra' ni, nejě pai'ye baiji, peokua'i pa'ie peoji.

Si'a pai payě kui'ne pa'ye tutu, jaje pa'ina kui'ne ja'ñe kua'meneñe ti'añe pa'iji.

Si'a pai kua'me neñe tutu payě kui'ne ja'ñe pa'yě, jaje pa'ido'irekui'ne ja'ñe kuri neñepa'iji, nede'huase'e pa'ina de'oye mai tsėcapěje deo'ye kuasajě baija'ñe, io paire kañeje paiye, yekebi karasiko pa'ito neti'añe pa'iji.

Si'a pai payě tutu iwai'pi kuasajě tsi'sini neñe, iwa'i yėyere.

Jěña-někañua Kajese'e

Si'a pai payë tutu kua pëawajëjë pa'ie, siwajë pa'ie ioja'ye kua'mene' ometëkawë tia'seja'ye kui'ne iye pa'ie kato sa'ñeñe pa'iji.

Jëña-nëkañua jëtëna

Si'a pai payë mai paiye kadëose'repare, iye pa'yere, mai pai, jujukaiwe'ña kui'ne de'oye paiye sia'ye, aq aiñe, kaña ju'ie, wë'ña pa'ie, juikua'ire jujukaiye kui'ne kuasia'ye, yeke payë kui'ne pa'ye kua'me newe'ña paiwe'ña peoye, juidawë, do'ima'pai, aipë maña, iyese'e paiyeje pani kuasia'ye iwa'i te'owa'i pa'ñeje pa'ye.

Kui'neje pa'ye etapë këiwa'i kui'ne tsi mana payë tutu de'oye kokaiyere. Si'a tsi wejani aidewasicoa'i panije kua aide'wakua'nusikua'i payë kui'ne pa'i tuture.

Jëña-nëkañua jëtëna te'o

Si'apai payë kui'neja'ñe totyaja'o ye'yeye. Toyaja'o ye'yeye kato peoji doiye ja'a ye'yehuëje pa'ye kato. Ja'a ye'yewëoye kato ai kuañeñe paiijia'kua. Kui'ne toyaja'o nekaikua'repare kato ai jaiye nesaose'e pa'ijakua, kui'ne aijerepa aye toyaja'o ye' yeye kato' kui'ne paiji sia'waire, iq ai do'iko do'ire.

Toyaja'o ye'yeye kato mai pai de'oyerepa pa'ija'ñea'ë, jaje paina toyaja'o kato itirepa'ë sia'we'ña mai kua'ju'ijë pa'ie, de'oye pa'iyë kajë, paire sa'ñe oijë koka kaye, japi pa'ina maj ñese saiye pa'iji, siwajë.

Pëkaja'këpi ñani tseañe paiji toyaja'o ye'yeye i mamakëre kokaiyere kuasani.

Jëña-nëkañua jëtëna kayaye

Mai aipë ukujë paise'e sia paije payë ukuye mai pa'idaripëakë'ro, siwajë mai tsea'ë kuasajë kui'ne tideo'ye paito tia'ñepa'iji.

Si'a pai payë iwa'i yëyepi toyaja'o nesaoye, iwa'i kuasayepi, netijini jaiye toypëpëa etosaoye, jaje paita'are te'owa'ise'e paye pa'iji iti toypë akë.

Jëña-nëkañua jëtëna- toasone.

Iye maire carepawesose'e kato si'a pai tutu paye pa'iji yekë yejaña kë'roje ñase'repa, jaje paina itirepa pa'ie paiji iye.

Jëña-nëkañua jëtëna kajese'e

Si'a pai payë maire kuañese'e mai pa'idaripë kë'ro, maipi de'oye nejë de'oye neto saji mai paiye.

Iye neñañekato mai këkopayea'ë kui'ne siwajë paiye, kato sia'pai paja'kua'ia'ë toypë akëpai kase'pi, itikato kanëose're maire kokaija'ñere kui'ne oiye paise'e, kui'ne kuañeñe paiji iti mai kuasayese'e, kui'ne de'oye paiyëre kajë sia'we'ña mai yëye pa'yere.

Iye tutukë'ye kato peoji yekua'ipi dekakaiye iti paiye kui'ne iti tsoe yekëwe'ñaje kase'e pa'ito.

Jěña-někañua jětěna.

Jare iye kawesosikore jare peoji yekě paipi iwa'i kuasayepi dani nejě neño'o kajě nedojaye, paije te'e pai dani iye kato akěpai tsea'ě kajě kuasia'ye nedojaiye peoji, iye kato tsoe kawesosikore.